

漢

書

辨

疑

漢書辨疑卷七

嘉定錢大昭晦之甫學

景武昭宣元成功臣表

後有永平 有南雍本閭木竝作世

俞侯樂布 清河縣地理志作鄒史記云戶千八百

建陵哀侯衛綰 東海縣史記云戶一千三百一十

建平敬侯程嘉 沛郡縣史記云戶三千一百五十

平山侯公孫渾邪 東海縣索隱曰漢表在高城今脫渾

史記及本傳竝作昆史記云戶三千二百二十

南苑侯賀 本傳及衛青傳作南苑臣瓚曰茂陵書賀封

南苑師古謂窮窮二字同

葛釋侯賀獲以丞相封 地理志東海下邳葛嶧山在西
古文以爲暉陽取山以名其國也獲當作復

江陽康侯蘇息 索隱以江陽爲在東海元鳳六年封城
陽愍王子仁爲江陽侯下亦注東海然東海無江陽健
爲有江陽武帝建元六年始開其時尚未有也史記本
紀作江陵江陵南郡縣表缺戶數史記云戶二千五百
四十七表又脫始封一格據史記當云四月壬申封三
年薨八字子孫曾俱誤高一格蘇息史記作蘇嘉

逮侯愍 索隱曰漢表逮鄉名屬常山今脫王子侯有逮
鄉侯宣

新市侯王棄之 鉅鹿縣史記云戶一千十四

煬侯始呂嗣 史不得年史記作後元元年

商陵侯趙周 索隱曰漢表在臨淮今脫然地理志臨淮
無商陵史記申屠嘉傳作高陵高陵琅邪縣是時高陵
侯王行國已見除故又封周史記云戶一千四十五

山陽侯張當居 河內縣史記云戶千一百一十

安陵侯于軍 潁川陽陵李奇曰六國時曰安陵汝南邵
陵亦有安陵鄉

桓侯賜 史記作垣河東縣

迺侯陸彌 涿郡縣

孝武後元年 徐廣曰漢書云孝武後二年則元當作二
客城攜侯徐盧 涿郡縣依史記水經注當作侯攜徐盧

其孫光爲太常公卿表作唯塗光搆徐與唯塗聲相近
翁侯僕讎 南雍本閩本及史記水經注竝作易侯涿郡
縣翁乃邯鄲所封未必同時有兩翁侯元光四年又以
翁封趙信因邯鄲已于是年免也鄭氏曰黠音怛則當
从黑且聲

范陽靖侯范代 涿郡縣史記作端侯代失其姓表姓范
者或因范陽而譌耳

六千二百戶 代與僕讎邯鄲同封戶數當不甚遠當從
史記作千一百九十七戶

翁侯邯鄲下注內黃 內黃魏郡縣

以匈奴王降漢 漢當作侯

亞谷簡侯盧它之 索隱曰漢表在河內今脫亞傳及史
記作惡說文亞醜也象人局背之形易繫辭言天下之
至噴而不可惡也荀爽曰惡次也尚書大傳云王升舟
入水鼓鍾惡觀臺惡將舟惡宗廟惡鄭康成注云惡讀
爲亞是亞惡古字通它之傳作它人史記作它父

建元五年康侯溺嗣 史記五作元漏作偏

塞侯直不疑 史脫諡及戶數傳云諡信史記云戶千四

十六

侯堅 堅傳作彭祖

特轅侯樂 特轅史記作持裝

親陽侯月氏下注舞陽 說文觀水出南陽舞陽中陽山

入潁親古潁字親陽卽潁陽矣

元朔二年 閩本無元朔二字是

若陽侯猛下注平氏 平氏南陽縣

平陵侯蘇建下注武當 武當南陽縣

岸頭侯張次公下注皮氏 皮氏河東縣

昌武侯趙安稽下注舞陽 索隱曰漢表在武陽舞陽南

陽縣武陽徙爲縣史記安稽諡堅侯

從驃騎將軍擊左王 左王左賢王也史記作左賢王下

云右王放此

襄城侯樂龍 索隱曰襄城漢表作襄武按韓嬰亦封襄

城地理志襄城在潁川襄武在隴西是漢表本是襄武

安樂侯李蔡下注昌 公卿表李廣衛青傳及史記俱作樂安則此作安樂似誤也昌琅邪縣水經注以爲千乘之樂安則與昌字乖謬

合騎侯公孫敖下注高城 高城勃海縣

軹侯李朔下注西安 史記作涉軹漢書衛青傳作陟軹索隱曰地理志西安在齊郡涉軹猶從驃然皆當時意也故上又有涉安侯據此則軹上當有涉字

從平侯公孫戎下注樂昌 樂昌東郡縣

坐爲上黨太守發兵擊匈奴 陳景雲曰上黨乃內地非邊郡不與匈奴接壤當從史記作上郡

隨城侯趙不虞下注千乘 城衛青傳及史記作成

攻辰吾先登石壘 齊史記作累

博望侯張騫 南陽縣

知道水 史記作知水道

眾利侯郝賢下注姑莫 姑莫卽姑幕琅邪縣眾利霍去

病傳作終利案眾與終古字通易雜卦大有眾也荀爽

本眾作終士相見禮眾皆若是注云今文眾爲終史記

五帝本紀怙眾賊刑徐廣曰眾一作終

坐爲上客太守人戈守財物計設 容當作谷 閩本 作谷 戈守

當從史記作成卒

僚悼侯王拔營下注舞陽 史記作趙王煖營舞陽潁川

縣

從票侯趙破奴 票史記作驃

宜冠侯高不識下注昌 昌琅邪縣

輝渠忠侯僕朋下注魯陽 僕朋霍去病傳及史記作僕

多魯陽南陽縣

下摩侯誨壽尼下注猗氏 史記摩作魔誨作呼猗氏河

東縣

詔居弋居山坐將家屬關人惡師居 陳景雲曰惡師烏

孫國中地名見常惠傳謂違詔而攜家擅居惡師地烏

孫離附漢然未嘗郡縣其地安得有設官置室事顏注

未當

濕陰定侯昆邪 平原縣春秋時曰犁左傳哀十年趙鞅

伐齊取犁杜預曰犁一名隰濟南有隰陰縣隰借用字
濕正字也

輝渠慎侯應疋下注魯陽 應疋史記作扁嘗霍去病傳
作雁庇魯陽南陽縣

河棊康侯鳥黎下注濟南 黎史記作犁古通霍去病傳
作禽

常樂侯稠雕下注濟南 稠雕霍去病傳作調雕被傳注
云功臣表作稠雕與今本不同

邳離侯路博德下注朱虛 邳離史記作符離疑誤

義陽侯衛山下注平氏 元和郡縣志中州義陽縣本漢
平氏縣義陽鄉魏文帝分平氏縣立

平教人誑告眾利侯當時棄市罪 當時伊卽軒之子也
杜侯復陸支下注重平 杜史記作壯按宣帝紀霍光傳
並作杜侯作壯者譌也索隱曰漢表在東平重平亦東
平之譌

以匈奴歸義因孰王 霍光傳作故歸義侯因淳王

眾利侯伊卽軒 此卽郝賢封國賢免故改封元鼎時功
臣有兩伊卽軒一是眾利侯一是下摩侯皆匈奴人

以後爲諸縣 案上文眾利侯郝賢下注姑莫卽姑幕琅
邪縣蓋元狩元年分姑幕之眾利鄉爲侯國始元五年
國除而置諸縣也諸亦屬琅邪

湘成侯敞屠洛下注陽成 陽成卽陽城潁川縣

散侯董舍吾下注陽成陽成潁川縣

臧馬康侯雕延年下注朱虛史記無雕字朱虛琅邪縣

滕侯次公下注舞陽此卽王援嘗封國之潁也潁下亦

注舞陽則潁滕字異地同舞陽潁川縣

衛陽侯建德下注下邳地理志琅邪東莞衛水南至下

邳人泗青州甯蓋在衛水之陽分東海之下邳爲國也

衛說文作沐

龍侯摎廣德龍史記作龍亢兩粵傳作龔侯晉灼曰龔

古龍字蓋後人不識古字析爲二文實非沛郡之龍亢

也郡國志泰山博有龍鄉城春秋成二年齊圍龍杜預

曰在博縣西南

成安侯韓延年下注郊 成安與郊並潁川縣蓋分郊縣
一世

昆侯渠復案下注鉅鹿 案史記作累

以屬國大首渠 首史記作且

騏侯駒幾下注北屈 騏與北屈並河東縣

侯督嗣 公卿表建始元年騏侯駒督爲太常數月薨督
卽督也表不載薨年史闕文

梁期侯任破胡 魏郡縣

臧侯畢取下注南陽 索隱曰漢表在下邳案此卽次公
封地索隱誤也南陽亦舞陽之譌

將梁侯楊僕 中山靖王子朝平免故別封

安道侯揭陽定下注南陽 史記作揭陽令定兩粵傳作

史定

陶拂頃侯趙光 索隱曰漢表在南陽今脫

湘成侯監居翁 索隱曰漢表在堵陽汲古閣本脫閩本
有之案湘成卽做居洛所封也彼注陽成此注堵陽或
堵陽舊有陽城之名故王莽改堵陽曰陽城

海常嚴侯蘇宏 索隱曰漢表在琅邪今脫案王子侯海

常在琅邪

外石侯吳陽下注濟陽 外石兩越傳作卯石史記作北

石索隱曰漢表在濟南今閩本與索隱同汲古閣本誤

下郎侯左將黃同下注南陽 地理志南陽有酈縣字當

作鄆譌爲鄆耳小顏音爲手誤矣左將官名

繚嫫侯劉福 城陽其王子故海常侯

荀兒嚴侯轅終古 荀兒兩粵傳作語兒韋昭曰在吳越界今爲鄉也

開陵侯建成 臨淮縣兩粵傳封故越建成侯敖爲開陵侯是其人名敖

臨蔡侯孫都下注河內 郡國志河內山陽邑有蔡城劉昭曰蔡叔邑

東城侯居股 九江縣兩粵傳作東成

無錫侯多軍 會稽縣

涉都侯喜下注南陽 郡國志南陽筑陽有涉都鄉喜史

記作嘉

平州侯王峽下注梁父 此卽昭涉掉尾封國

荻直侯韓陶下注勃海 直當作苴南雍本閩本竝作苴

澹清侯參下注齊 水經注澹水出時水東去臨淄十八里所謂澹中也

駸茲侯稽谷姑下注琅邪 地理志琅邪有茲鄉縣

狐譙侯杆者 河東縣狐地理志說文解字竝作狐

幾侯張略下注河東 幾或以爲卽騏然是時騏侯駒氏尙無恙不得別封

沮陽康侯最下注齊 本書朝鮮傳作沮陽史記傳作溫

陽沮陽上谷縣沮陽南陽縣注齊字閩本無

海西侯李廐利 東海縣

斬都城王首 都當作郁

七年太始三年 七當作十閭本亦作十

開陵侯成婉 臨淮縣匈奴傳作閭陵同

不得封年 此四字當下一格

稭侯商止成 濟陰縣說文作廐

重合侯莽通 勃海縣莽本姓馬

坐發兵與衛尉漬等謀反 武帝紀後元元年侍中僕射

莽何羅與弟重合侯通謀反無衛尉漬公卿表有守衛

尉遺漬卽遺字之譌

德侯景建下注濟南 王子侯表德屬泰山與此異

以長安大夫 劉屈氂傳作長安男子大夫第五爵

題侯張富昌下注鉅鹿 漢紀作蹋赬侯

其得衛李 太子二字譌爲李

邢侯李壽下注河內 說文邢周武王子所封在河內野

王是也括地志故邢城在河內郡西北二十七里

擅出長安界送海西侯至高橋 征和三年貳師復將七

萬騎擊匈奴故壽送之

轅陽侯江喜下注清河 地理志清河有轅縣喜當作德

轅或作潦

當塗康侯魏不害 九江縣天漢四年爲左馮翊

侯聖與議定策益封 宣帝紀建議定策益封者有當塗

侯平霍光傳與表同疑本紀誤

蒲侯蘇昌下注琅邪 地理志琅邪姑幕或曰薄姑案薄姑亦作蒲姑

丞父侯孫王下注東萊 前承父亦注東萊卽續相如封國

稭敬侯金日磾 濟陰縣

侯賞 本傳諡曰節表脫

建平敬侯杜延年 沛郡縣表注濟陽屬陳留

宜城戴侯燕倉 濟南縣莽敗乃絕志用元始版籍故於

宜城下注侯國表注濟陽疑誤

弋陽節侯任宮 汝南縣

漢書辨疑卷七

十

楊李洪氏
疑斗齋藏書

剛侯千秋 字長伯初元四年爲太常

利侯王山壽下注徐 徐臨淮縣

成 女嚴侯郭忠 潁川縣

平陵侯范明友下注武當 此卽蘇建封國水經注作平

一陽

長羅壯侯常惠 陳畱縣本傳謚壯武

爰威靖侯趙長年 山陽縣年當作平閩木及索隱所見

本皆作平補史記作趙成

博成侯張章下注淮陰 淮陰臨淮縣

高昌壯侯並忠 千乘縣

平通侯楊惲下注博陽 博陽汝南縣

都成敬侯金安上 族子站曰霍光傳及補史記竝作都
成索隱云志屬潁川攷潁川無此縣地理志山陽都有
城都侯國應卽此也水經注作郿都云春秋隱公元年
郿侵衛京相璠曰東郡廩丘縣南三十里有郿都故城
褚先生曰漢封金安上爲侯國是水經注亦以安上封
者作城都矣古城成郿三字同

合陽愛侯梁喜 平原縣

安遠繆侯鄭吉下注慎 慎汝南縣

以吉曾孫紹封 此格當下一層

歸德靖侯先賢揮 汝南縣地理志云宣帝置

信成侯王定下注細陽 細陽汝南縣匈奴傳王定作烏

屈屈信成作新城

義陽侯厲溫敦 此亦平氏之義陽也厲溫敦匈奴傳作
烏厲溫敦

以匈奴諱遼累單于率衆降侯 侯狀與宣紀同單于二
字疑衍小顏注匈奴傳云呼遼累者其官號也既云官
號則非單于可知

義成侯甘延壽 沛郡縣本傳謚曰壯

駟望忠侯冷廣 琅邪縣

楊嘉元年 楊當作鴻

延鄉節侯李譚 千乘縣

以尉氏男子捕得反者樊竝侯 案本紀稱樊竝爲尉氏

男子則此四字疑當在樊竝之上

新山侯稱忠 琅邪縣

童鄉釐侯鍾祖 地理志勃海有章鄉侯國疑卽此

樓虛侯訾順 樓虛當作楊虛平原縣地理志亦誤作樓
虛 西域傳元始中卑爰壺殺烏日領以自效漢封爲
歸義侯表不載者哀平中卽有侯者皆不收也附識於
此

漢書辨疑卷七終

漢書辨疑卷八

嘉定錢大昭晦之甫學

外戚恩澤侯表

周呂令武侯澤史記云呂后兄

更封爲酈侯馮翊縣史記作酈南陽縣

腫侯通東萊縣史記作鍾

東平侯卮史記卮作壯

汶侯產史記作郊汶之譌也沛郡縣小顏望文音切非是

建成康侯釋之沛郡縣史記云呂后兄留侯世家作呂澤

沛侯種 沛郡縣此脫沛字

奉呂宣王國 國字誤史記作園寢

更爲不其侯 琅邪縣

漢陽侯祿 地理志漢中褒中都尉治漢陽鄉疑卽此史

記作湖陵山陽縣

扶柳侯呂平 信都縣

襄城侯義 潁川縣

帙侯朝 河內縣

壺關侯武 上黨縣

呂平侯大 上谷縣

贊其侯呂勝 臨淮縣

祝茲侯呂瑩 索隱曰漢表在琅邪今脫

建陵侯張釋寺人 東海縣史記云宦者多奇計此言寺人猶史記言宦者不必作大字

以大謁者勸王諸呂 大謁者匈奴傳高后令大謁者報書是也

軹侯薄昭 河內脰昭太后弟外戚傳云追尊薄太后父爲靈文侯表不載益追尊之侯例不闌人如高祖紀追尊兄伯爲武哀侯哀帝紀追尊傅父爲崇祖侯丁父爲哀德侯外戚傳追尊竇后父爲安成侯追尊王仲爲共侯皆是

鄆侯駟鈞 太原縣本紀作靖郭侯

周陽侯趙兼 司馬貞以爲屬上郡攷酷吏傳云周陽由其父趙兼以淮南王舅侯周陽故因氏焉其非上郡之陽周明矣但未審其地耳

章武景侯竇廣國 勃海縣

南皮侯竇彭祖 勃海縣

魏其侯竇嬰 琅邪縣

益靖侯王信 太山縣索隱曰漢表在勃海今脫信字長

君見鄒陽傳

元光三年頃侯充嗣下一格云侯受嗣元鼎五年坐酎金免 史記受作佩無頃侯充但云元狩三年侯偃元年元鼎五年坐酎金免

武安侯田蚡 魏郡縣

以皇太后同母弟侯 言同母者不同父也

周陽懿侯田勝 司馬貞以爲在上郡非也上郡是陽周
非周陽括地志周陽故城在絳州聞喜縣東二十九里
侯祖 史記及潛夫論俱作彭祖

坐當歸帆侯宅不與 史記歸作與輒作章攷是時無輒
侯史記作章侯疑是章武侯竇長生蓋田盛則竇衰故
當與而不與耳

長平烈侯衛青 汝南縣

宜春侯伉 汝南縣

陰安侯不疑 魏郡縣

發千侯登 東郡縣

平津獻侯公孫宏下注高城 本傳詔以高成之平津鄉
戶六百五十封爲平津侯高成勃海縣表云三百七十
三戶與傳不符

冠軍景桓侯霍去病 南陽縣以穰之盧陽鄉宛之臨駝
聚置去病初封二千五百戶益封二千二百表闕書
樂平侯山下注東郡 地理志東郡清應劭曰章帝更名
樂平蓋霍山國除之後改爲清章帝復舊名耳

冠陽侯雲下注南陽 疑亦冠軍近地

周子南君姬嘉下注長社 長社潁川縣帝王世紀云封

姬嘉三千戶地方三十里

見周本紀正義

初封是君故嘉子置

置子當當弟延年皆稱君改封爲侯乃稱侯耳

更封爲周承休侯 潁川縣水經注黃水逕周承休縣故城東縣故子南國

元始四年爲鄭公 後漢書黃瓊傳封爲郾鄉侯注云漢潁川有周承休侯國元始四年更名曰郾蓋因其地有郾鄉矣據此則鄭當作郾平紀及志皆誤

建武二年五月戊辰更爲周承休侯 復舊名也戊辰光武紀作庚辰

侯武嗣十三年更爲衛公下注觀 據表則武是常子光武紀卽以更衛公者爲姬常與表異觀東郡縣今本地理志作畔觀陳景雲曰畔字衍恩澤侯表溝洫志翟方

進傳可證

樂通侯樂大下注高平 高平臨淮縣

牧邛恬侯石慶下注平原 蓋分平原縣置

富民定侯車千秋下注新 新沛郡縣

博陸宣成侯霍光下注北海河間東郡 文潁曰博廣陸

平取其嘉名無此縣也補史記云初封三千戶後益封

萬戶又益封二萬戶蓋戶邑甚多有屬北海河間東郡

者耳非謂盡食三郡之地也

安陽侯上官桀下注蕩陰 蕩陰河內縣

桑樂侯安下注千乘 疑是千乘之樂安縣

以皇后父車騎將軍封 案外戚傳公卿表亦作車騎唯

昭紀霍光傳作驃騎

宜春敬侯王訢 汝南縣

富平敬侯張安世 平原縣

陽都侯彭祖 城陽縣

繆侯敞 敞本傳及陳湯傳並作勃

建武中爲武始侯 傳云更封純富平之別鄉爲武始侯
武始魏郡縣純有別邑在魏卽武始也故以是封之說

詳本傳

陽平節侯蔡義 東郡縣義霍光傳作誼

平止侯王遷下注肥城 肥城泰山縣

昌水侯田廣明下注於陵 於陵濟南縣

以左馮翊與大將軍光定策 左馮翊宣帝紀作御史大夫以公卿表攷之廣明以元平元年九月由左馮翊爲御史大夫表言舊職紀舉新遷兩得之也

陽城侯田延年下注濟陽 濟陽陳畱縣傳作陽成

爰氏肅侯便樂成下注單父 單父山陽縣

扶陽節侯韋賢下注蕭 扶陽與蕭竝沛郡縣當是分蕭縣置

平恩戴侯許廣漢 魏郡縣

高平憲侯魏相下注柘 柘陳國縣水經注以山陽之高

平爲相封國非是山陽高平故案也

或譌爲索非也說詳功臣表

王

莽始改名宣帝時未有此縣

平昌節侯王無故 平原縣無故字長君見水經注

詔書復獲 當作詔復宋上文亦不戴其失傳之事

樂昌其侯王武下注汝南 徐廣曰汝南細陽之池鄉漢

之樂昌案徐說本之俊漢書張酺傳當不誤也細陽汝

南縣武字稚君見水經注

陽城繆侯劉德 汝南縣

以戶五百贖弟更生罪 劉向傳安民人國戶半贖更生

罪此云五百則德之例封有千戶矣

樂陵安侯史高 臨淮縣水經注以爲平原之樂陵非也

平原樂陵非侯國高字子長

武陽頃侯丹下注鄭 武陽與鄴竝東海史丹傳云國東

海邾之武彊聚是分邾縣置也

邛成其侯王奉先下注濟陰 說文邛地在濟陰

安平夷侯舜 豫章縣涿郡亦有安平不言侯國則非也
將陵哀侯史魯 郡縣志德州將陵縣本漢安德縣地屬
平原郡隋開皇十六年置以安德縣界故城爲名魯本
紀及史丹傳外戚傳並作曾

平臺康侯史元 常山縣

鴻嘉二年侯習嗣 公卿表鴻嘉元年平臺侯史中爲太
常其名與此不同

博望頃侯許舜 南陽縣

樂成敬侯許延壽 南陽縣

博陽定侯丙吉下注南頓 博陽南頓並汝南縣當是分
南頓置

顯嗣 顯上諸本俱脫侯字

建成定侯黃霸下注沛 沛郡縣水經注以爲勃海非也
侯賞以定陶太后不宜立號益封 陳景雲曰賞當作輔
定陶太后立號事在建平元年乃輔嗣侯後十五年也
居攝二年侯輔嗣 輔本傳作忠

西平安侯于定國 臨淮縣

陽平頃侯王禁 東郡縣

安成共侯崇 汝南縣外戚恩澤侯表有兩王崇一是安
成侯建始元年以皇太后母弟封一是扶平侯元始元

年以大司空封

平阿安侯譚 沛郡縣

侯述嗣 述當作述元后傳名術古字通

成都景成侯商 山陽縣外戚恩澤侯表有兩王商一是
成都侯河平二年以皇太后弟封一是樂昌侯王武之
子甘露二年嗣侯

緱陽荒侯立 南陽縣

曲陽煬侯根 九江縣

以皇太后弟關內侯 侯下脫侯字

高平戴侯逢時 臨淮縣

新都侯莽 南陽縣莽傳云國南陽新野之都鄉郡國志

新野有東鄉故新都

襄新侯安莽篡位爲信遷公 莽改汝南新蔡曰新遷新
信古字通然則襄新亦卽新蔡歟

賞都侯臨 莽改汝南宜祿爲賞都亭卽其地矣

樂安侯匡衡 臨淮縣

安昌節侯張禹 汝南縣

高陽侯薛宣下注東莞 高陽東莞並琅邪縣當是分東
莞置

千九十戶 傳作千戶案朱博傳博爲丞相封侯食邑二
千戶博讓曰故事封丞相不滿千戶願還千戶據此則
傳是而表誤

安陽散侯王音 汝南縣

成陽節侯趙臨下注新息 成陽新息並汝南縣當是分

新息置

新成侯欽下注穰 穰南陽縣閩本有穰字汲古閣本脫

益分穰縣置

高陵其侯翟方進 琅邪縣

十一月壬子封八千戶 案戶數已見上格此八千戶三

字衍

定陵侯淳于長 汝南縣

殷紹嘉侯孔何齊下注沛 沛郡縣中不著孔何齊封國

郡國志汝南宋公國周名鄆邯漢改爲新鄆章帝建初

四年徙宋公於此既言徙宋公則初封不在新鄭矣綏和元年二月封殷紹嘉侯三月與周承休侯並進爵爲公志所據者元始版籍但載周承休而闕殷紹嘉所未解也

以殷後孔子世吉適子侯案本紀封殷紹嘉者是孔吉而此云吉適子何齊又不同矣

汜鄉侯何武下注南陽傳云汜鄉在琅邪不共哀帝卽位更以南陽犂之博望鄉爲汜鄉侯國地易而名不易者猶舂陵本零陵冷道鄉名而爲南陽之舂陵侯國也地理志南陽無汜鄉縣史闕文志有博望侯國是許舜封地其時國尙未除非犂之博望鄉

博山簡烈侯孔光下注順陽 地理志博山哀帝置故順

陽

陽安侯丁明 汝南縣

孔鄉侯傅晏下注夏止 夏止沛郡縣

平周侯丁滿下注湖陽 湖陽南陽縣

高樂節侯師丹下注新野 新野南陽縣

更爲義陽侯下注東海 傳云詔以厚止之中鄉戶三千

一百封丹爲義陽侯厚止東海縣志無義陽侯國史闕

文

高武貞侯傅喜下注杜衍 杜衍南陽縣

楊鄉侯朱博下注湖陵 湖陵廬江縣傳作陽鄉

建元二年 元當作平

新甫侯王嘉下注新野 新野南陽縣

汝昌侯傅商下注陽穀 郡國志東平國須昌故屬東郡

有陽穀城

陽新侯鄭業下注新野 本紀及杜鄴傳外戚傳竝作陽

信王嘉傳作陽新信古字通勃海有陽信恐非也

高安侯董賢下注朱扶 高安取嘉名朱扶無攷

方陽侯孫寵下注龍亢 疑龍亢鄉名

以騎都尉 本紀作南陽太守

宜陵侯息夫躬下注杜衍 漢紀作宜陽

以博士弟子 本紀作光祿大夫

長平頃侯彭宣下注濟南

長平汝南縣此作濟南疑誤

扶德侯馬宮下注潁榆 潁榆琅邪縣

承陽侯甄邯下注汝南 翟義傳作丞陽

襄魯節侯公子寬下注南陽平 山陽有南平陽疑卽此

襄成侯孔均下注瑕丘 瑕丘山陽縣均本名莽避王莽

諱更名

以孔子世褒成烈君霸曾孫奉孔子祀侯 元帝以霸授

經賜爵關內侯食邑八百戶號褒成君至是進爵爲侯

後漢時爲亭侯

防鄉侯平晏 或是魯防邑

南鄉侯陳崇 郡國志南陽有南鄉縣

章鄉侯謝殷 勃海縣

盧鄉侯陳鳳 東萊縣

成武侯孫建 山陽縣

有折衝之威 下脫侯字樹木不脫

討狄侯杜勳以前爲軍假丞 假陳湯傳作侯

漢書辨疑卷八終

漢書辨疑卷九

嘉定錢大昭晦之甫學

百官公卿表上

龍作納言出入帝命 尚書作出納朕命納當爲內古內
字作入禹貢九江內錫大龜史記內作入左傳襄九年
以出內火漢書引作入火

相國丞相皆秦官

戰國時韓有相國

見周本紀

秦武王二年

置丞相以楊里疾甘茂爲左右丞相始皇又尊呂不韋
爲相國秦以左爲上漢以右爲尊也後漢書馬嚴傳云
舊丞相御史親治職事唯丙吉以年老優游不案吏罪
於是宰府習爲常更共罔養以崇虛名

文帝二年復置一丞相 周勃爲右丞相陳平爲左丞相
後勃謝病請免相而平專爲丞相案劉屈氂傳武帝征
和二年分丞相長史爲兩府以劉屈氂爲左丞相懸右
丞相以待賢人此獨不載其事

元壽二年更名大司徒 漢官儀王莽時議以漢無司徒
官故定三公之號曰大司馬大司徒大司空

元狩五年初置司直 後漢書馬嚴傳云故事州郡所舉
上奏司直察能否以懲虛實漢官儀武帝置丞相司直
元壽二年改丞相爲大司徒司直如故

御史大夫秦官 御史大夫亦稱宰相孔光傳云上欲致
霸相位自御史大夫貢禹卒及薛廣德免輒欲拜霸又

公孫田劉傳贊云若夫丞相御史兩府之士不能正議
以輔宰相朱雲傳云御史之官宰相之副九卿之右後
漢建武中李通爲大司空其傳云自爲宰相謝病不視
事是也蕭望之傳云故事朝奏事會庭中御史大夫差
居丞相後漢舊儀御史大夫寺在司馬門內門無塾門
署用梓板不起郭邑題曰御史大夫寺

侍御史有繡衣直指指出討盜猾 武帝紀天漢二年遣直
指使者暴勝之等衣繡衣杖斧分部逐捕

太傅高后元年初置 卽王陵

後省八年復置 卽審食其

後省元壽二年復置 唯孔光王莽二人

位在三公上 三公謂丞相太尉及御史大夫也太尉後改大司馬薛廣德爲御史大夫史稱三公

太師太保 太師止孔光一人太保止王舜一人

奉常更名太常 應劭漢官儀曰欲令國家盛大社稷常存故曰太常

博士掌通古今 朝錯匡衡皆嘗爲太常掌故疑卽博士之類矣應劭曰掌故六百石吏主故事孔光傳云是時博士選三科高第爲尙書次爲刺史其不通政事以久次補諸侯太傅

郎中令掌宮殿掖門戶 括蒼鮑氏曰郎與廊同戰國策
梧下先生見魏王趨出至郎門而反所謂郎門卽郎之

門也又戰國策段產謂秦新城君曰今臣處郎中無能
議君於王而不能使人無議臣於君然則秦昭王時已
有郎中之名其職已親近矣方同續古今攷引大昭案鮑說是
也周禮大司馬注引司馬法曰鼓聲不過聞鼙聲不過
聞鐸聲不過琅琅郎郎也段借字並仲舒傳游於巖郎
之上晉灼曰堂邊廡巖郎謂巖峻之郎也說文解字廊
在新附字中古皆用郎

大中大夫秩比千石 漢紀秩比二千石

諫大夫秩比八百石 漢紀秩比六百石

郎中有車戶騎三將 楊惲傳召戶將尊儒林傳尹更始

爲長樂戶將

謁者掌賓讚受事 關駟十三州志云謁者秦官員七十人皆選孝廉年未五十曉解貨贊者歲盡拜縣令長史及都官府長史

衛尉景帝初更名中大夫令 中大夫令止直不疑一人屬官有衛士令丞 藝文志有衛士令李忠

太僕屬官有大廐未央家馬令丞尉 案未央未央廐也上官桀爲未央廐令卽此

又邊郡六牧師苑令各三丞 續志云牧師苑皆令官主養馬分在河西六郡界中中興省

更名家馬爲桐馬 說文桐攪引也漢有桐馬官作馬酒廷尉地節三年初置左右平 不言員數本紀及刑法志

云四人

典客屬官有郡邸長丞 郡國朝宿之舍在京師者名邸
文帝紀云至邸而議之

宗正諸公主家令門尉皆屬焉 太子及公主皆有家令
大司農有兩丞 宣帝紀五鳳四年有中丞耿壽昌成帝
紀永始二年有中丞王闔律志有中丞麻光卽兩丞之
一也蓋如御史大夫有兩丞一曰中丞矣

屬官有都內令丞 都內主臧官也桓譚新論云漢之百
姓賦斂一歲爲四十餘萬萬吏俸用其半餘二十萬萬
藏于都內爲禁財少府所領園地作務之八十三萬萬
以供常賜張湯傳詔都內別臧張氏無名錢以百萬數

尹翁歸傳
爲都內令

均輸 地理志千乘郡有均輸官

駿粟都尉武帝軍官不常置 案趙過食貨志上官桀李廣利傳

楊敞燕刺王傳俱嘗爲此官

少府屬官有尚書符節等十二官令丞 十二疑是十六

以左右司空分兩官亦是十七

湯官導官 師古曰導官主擇米大昭案導當作導說文

導禾也玉篇導一莖六穗瑞禾也史記司馬相如傳云

導一莖六穗於庖徐廣曰導瑞禾也

若盧令丞 王商傳請詔謁者召商詣若盧詔獄孟康曰

若盧獄名屬少府黃門北寺是也又案王吉傳云吉備

若盧右丞有右必有左蓋二丞

甘泉居室 當亦有詔獄故衛青至甘泉居室有一鉗徒
相青

胞人 故庖字通作胞禮記祭統篇胞者肉吏之賤者也
莊子庚桑楚篇湯以胞人龍伊尹釋文胞本又作庖
又中書謁省等七官令丞 七疑當作八

諸僕射署長中黃門皆屬焉 儒林傳孟喜爲曲臺署長
師古曰曲臺殿名署者主供其事也

飲飛掌弋射 章懷注西都賦引前書音義曰飲飛本秦
左弋官也武帝改爲飲飛有一令九丞在上林中紡績
繳弋鳧雁歲萬頭以供宗廟

中尉有司馬 亦名中司馬見季布傳

屬官有都船令丞 薛宣傳爲都船獄史漢儀注所以云有都船獄令也

太子太傅 漢舊儀云皇太子黃金印龜紐印文曰章下至二百石皆爲通官印太傅一人真二千石禮如師亡新更爲太子師

屬官有太子門大夫 漢舊儀云門大夫比郎將

庶子應劭曰員五人秩六百石 馮野王傳云爲太子中庶子王商傳同疑脫中字又攷漢舊儀云中庶子五人職如侍中秩六百石庶子秩比四百石如中郎無員以新改爲中翼子據此則中庶子與庶子有別矣應仲遠

所注乃中庶子也表于庶子上脫中字庶子下脫庶子二字

先馬 汲黯傳作洗馬漢舊儀云洗馬職如謁者十六人選郎中補也

舍人 漢舊儀舍人如郎中秩比二百石無員多至三四百人亡新名爲翼子

詹事掌皇后太子家 漢舊儀皇太子稱家動作稱從

屬官有太子率更家令丞 漢舊儀率更令秩千石主庶子舍人更直亡新改爲中更丞一人秩四百石家令千石主倉獄

僕中盾衛率長丞 漢舊儀僕秩千石主馬中盾秩四百

石主周衛徵循衛率秩比千石丞一人主門衛

又中長秋食官令長丞 漢舊儀食官令秩六百石丞一人

將行秦官景帝中六年更名大長秋 按成帝減省掖庭用度許后上疏以爲大長秋繩以詔書搖手不得官吏收恨一切操之是內宮之財用亦大長秋所掌有似周之內宰矣

內史周官景帝二年分置左內史右內史 案公卿表景帝元年中大夫朝錯爲左內史二年左內史朝錯爲御史大夫則分置左右又在景帝之前地理志以爲武帝建元六年分置者固非而此表以爲景二年分置者亦

未的也

主爵中尉景帝中六年更名都尉 案公卿表景帝中五年已有主爵中尉不疑

又有都水長丞 案左馮翊有左都水此當有右字

元鼎四年更置二輔都尉 二當作三地理志左馮翊高陵左輔都尉治右扶風郿右輔都尉治不言京輔都尉治缺文也田叔傳少子仁拜爲京輔都尉

司隸校尉 翟方進傳故事司隸校尉位在司直下初除謁兩府其有所會居中二千石前與司直並迎丞相御史

元帝初元四年去節 去節自諸葛豐始

城門校尉有十二城門候 蔡義傳選覆盎城門候是其
一也

中壘校尉掌北軍壘門內外掌西城師古曰掌北軍壘門
之內而又外掌西域 案小顏說非也八校尉皆以掌
字起句此亦當從外字絕句漢紀作掌北軍壘門內外
凡八校尉 胡騎不常置故亦稱七校刑法志所謂武帝
內增七校是也

侍中左右曹諸吏散騎中常侍皆加官 三史拾遺曰自
侍中而下漢世所稱中朝官也亦謂之內朝臣攷高帝
時盧綰爲將軍常侍中孝惠時郎侍中皆冠駿鷄貝帶
傅脂粉是漢初已有侍中武帝初嚴助朱買臣皆侍中

貴幸用事始與開朝政厥後衛青霍去病霍光金日磾
皆由侍中進而權勢出宰相右矣武帝時霍光韓增皆
爲郎遷諸曹侍中宣帝時蘇武杜延年劉安民爲右曹
張延壽爲左曹此左右曹之始宣帝時楊惲爲諸吏光
祿勳此諸吏之始宣帝時張霸爲散騎中郎將張勃劉
更生爲散騎諫大夫此散騎之始司馬相如以嘗爲郎
事景帝爲武騎常侍則景帝時已有常侍武帝常與侍
中常侍武騎及侍郎隴西北地良家子能騎射者徵行
而東方朔亦爲常侍郎然其時未見中常侍之名至哀
帝時始有中常侍王闔朱宏等皆士人也後漢中常侍
竝以宦者爲之非西京舊制矣

爵 自公士至公乘民之爵也生以爲祿位死以爲號諡
凡言賜民爵者卽此自五大夫至徹侯則官之爵也成
帝紀永始二年詔曰吏民以義收食貧民其百萬以上
加賜爵右更欲爲吏補三百石是爵至十四級與三百
石吏相埒矣準是以推九級之五大夫等比百石十級
之左庶長等百石十一級之右庶長等比二百石十二
級之左更等二百石十三級之中更等比三百石矣故
謂之官爵武帝時又有武功爵見食貨志

諸侯王景帝中五年省御史大夫 本紀在中三年

更令相治民如郡太守 孔光傳云霸宣帝時遷高密相
是時諸侯王相在郡守上

郡守秩二千石 按黃霸傳霸爲潁川太守秩比二千石
及守京兆尹秩二千石然則此秩字下當有比字歟
邊郡又有長史 辛慶忌爲金城長史是也

郡尉秩比二千石有丞秩皆六百石 皆字衍

更名都尉 都尉有丞故薛宣爲樂浪都尉丞郡亦有時
但置都尉不置太守吾丘壽王爲東郡都尉不復置太
守故璽書云連十餘城之守任四千石之重

關都尉 漢有函谷關都尉

農都尉 馮參傳爲上河農都尉敘傳班況亦任此職又
地理志張掖番和有農都尉

萬戶以上爲令減萬戶爲長 漢舊儀云縣戶口滿萬

六百石令多者千石戶不滿萬置四百石三百石長縣令長黃綬皆大冠亡新令長爲宰皆小冠

皆有丞尉 漢舊儀大縣兩尉小縣一尉丞一人隸釋引應劭說大縣有丞左右尉所謂命卿三人小縣一丞一尉者命卿二人漢刻武開明終吳郡府丞而武榮碑稱爲吳郡府卿綿竹江堰碑稱縣丞健爲王卿隸續平鄉道碑云丞計加王卿尉綿竹楊卿丞尉皆稱卿與應說合今漢石刻有祝其卿墳壇上谷府卿墳壇皆縣府丞也

大率十里一亭亭有長 漢官儀曰十里一亭亭長亭候五里一郵郵間相去二里半司姦盜應劭曰亭有兩卒

一爲亭父一爲求盜

鄉有三老 高祖紀漢二年舉民年五十以上有脩行能
率眾爲善置以爲三老鄉一人擇鄉三老一人爲縣三
老與縣令丞尉以事相教復勿繇戍

有秩 方回續古今攷云周顯王十二年秦初置有秩史
商鞅既廢井田比閭鄰里之制亦壞故置有秩史以董
之

三老掌教化 方回曰假如縣方百里則爲方十里者十
十亭一鄉當有十鄉鄉三老十人各掌一鄉之教化縣
三老當掌縣城中之教化且兼掌十鄉之事乎

嗇夫職聽訟收賦稅 續漢志有秩嗇夫共職掌同漢官

云鄉戶五千則置有秩是不滿五千者不置有秩但以
嗇夫一人總理之表不言有秩所掌因與嗇夫同也

游徼徼循禁賊盜 趙廣漢傳云廣漢奏請令長安游徼
獄吏秩百石其後百石吏皆差自重不敢枉法矣繫留
人

印 漢制天子諸侯王皆爲璽三公列侯以下俱爲印天
子玉璽諸侯王金璽惟太師太傅太保丞相太尉列將
軍列侯皆用金印而御史大夫不與焉成帝更名大司
空始用金印其它則或銀或銅矣

案百官公卿表自奉常秦官至王莽改太常曰秩宗
爲一段今本博士秦官另起自郎中今秦官至取其

領事之號爲一段今本大夫掌論議僕射秦官各提
行另起自主爵中尉至駙馬都尉秩比二千石爲一
段今本護軍都尉城門校尉奉車都尉各提行另起
自侍中左右曹至皆秦制爲一段今本反列在奉車
都尉之下皆非是

表所未載之官或不常置或置而旋罷或微末之
職有可攷者附識於此

丞相屬官 有少史昭帝紀丞相少史王壽如淳曰武
帝置秩四百石五行志封丞相少史王禁爲陽平侯
功臣表丞相少史王山壽 有主簿見孫寶傳 有
徵事功臣表任官故丞相徵事 有大車屬見鄭崇

傳如淳曰如今公府御屬

大司馬屬官 有主簿見樓護傳

將軍屬官 有護軍都尉見趙充國傳

太常屬官 有太史掌故房鳳傳以射策乙科爲此官

表但有太史令丞 有掌故見鼂錯匡衡傳 有高

寢郎車丞相爲此官案昭紀孝文廟殿火廟令丞郎

吏皆劾大不敬是令丞之外有郎也 有寢中郎見

馮參傳師古曰陵之寢郎也 有園郎金安上傳故

事近臣隨陵爲園郎

郎中令屬官 有禮官大夫儒林傳孝文時徐生以頌

爲此官其保延等皆爲之

廷尉屬官 有文學卒史見兒寬傳蘇林曰秩六百石

臣瓚曰秩百石 有書佐見薛宣傳 有奏曹掾見

路溫舒傳 有奏讞掾見兒寬傳

大行令屬官 有治禮丞見平當傳 有主客見金日

磾傳服虔曰屬鴻臚

大司農屬官 有甘泉倉長

少府屬官 有內謁者令見宣帝紀 有海丞一人果

丞一人竝見平帝紀 有太官獻良丞見陳湯傳

有文學見匡衡傳 有樂府音監樂府游徼竝見張

放傳

詹事屬官 有少內嗇夫見丙吉傳

郡守屬官 有五官掾見王尊傳 有議曹見朱博傳

有司馬見馮奉世西南夷傳 有庫令見河間王

傳 有均輸長見黃霸傳

縣令長屬官 有市吏見尹翁歸傳 有獄吏決曹史

竝見王溫舒傳 有獄掾決曹掾賊曹掾門下掾竝

見薛宣傳

軍司空令 見馮奉世傳

軍司空 見杜延年傳蘇林曰主獄官也如淳曰律營

軍司空軍中司空各二人

軍武庫令 見杜欽傳

軍政 藝文志有軍政楊僕政卽正也西域傳有軍正

任文

軍正丞 見胡建傳師古曰南北軍各有正正又置丞
傳又云臣謹案軍法曰正丞屬將軍將軍有罪以聞
軍候丞 見陳湯傳恩澤侯表作軍假丞
軍監 見匈奴傳

軍市令 見丙吉傳

軍司馬 楊敞傳給事大將軍莫府爲此官

假司馬 見趙充國傳

鷹擊司馬 見霍去病傳

護軍射師 漢文志有王賀

監軍御史 見胡建傳又曰監御史與護軍諸校列坐

堂皇之上

彊弩將軍 衛霍傳有李沮公卿表及田延年傳有許

延壽恩澤侯表有孫建藝文志有王圍竝爲此官

材官將軍 見衛霍傳後

復土將軍 疑卽復土校尉之類公卿表元壽二年復

土將軍左咸爲大鴻臚

發弩官 地理志南郡有此官師古曰主教放弩也

逆射設者 馮奉世傳今發三輔河東恆農越騎迹射

飲飛設者是迹射設者爲二官名

戊己校尉屬官 有史有右曲候竝見匈奴傳

票姚校尉 見霍去病傳

轉校尉 見王尊傳師古曰主轉運事

執驅馬校尉 李廣利傳拜習馬者二人爲執驅馬校

尉備破宛擇取其善馬云師古曰習猶便也一人爲

執馬校尉一人爲驅馬校尉

復土校尉 有國喪則置事已卽罷蕭由馮遂俱爲此

官

長樂戶將 見儒林傳

稻田使者 功臣表有燕倉

主麻使者 見律志

方士使者 見郊祀志

治獄使者 見外戚傳

護苑使者 見谷永傳

黃門書者 藝文志有王廣呂嘉

黃門書者假史 藝文志有王商

本草待詔 見郊祀志師古曰謂以方藥本艸而待詔者

車騎都尉 宣帝紀甘露三年有車騎都尉昌

強弩都尉 武帝紀太初三年有路博德

宜禾都尉 敦煌廣至有宜禾都尉治

主騎都尉 安定參綠有主騎都尉治

協律都尉 禮樂志有李延年

河隄都尉 溝洫志有許商

護漕都尉 見朱博傳

駿馬監 太僕屬官有駿馬令丞見百官表然駿馬亦有監見傅介子傳

平樂監 見傅介子傳功臣表作平樂廐監
安池監 見外戚傳

移中廐監 見蘇武傳

車郎 藝文志有張豐

輦郎 見劉向傳

黃門倡 藝文志有車忠

待詔 元帝紀有賈捐之哀帝紀有夏賀良律志有李
信藝文志有臣饒臣安成馮商

暴室齊夫 見外戚傳

鉤盾冗從 藝文志有李步昌

鐵官 地理志鄆夏陽雍漆恆農池宜陽安邑皮氏
平陽絳大陵隆慮河南陽城西平宛皖山陽郡沛武
安都鄉沛郡千乘東平陵歷城羸臨淄東牟琅邪郡
下邳胸鹽漬堂邑桂陽郡沔陽臨邛武陽南安隴西
郡漁陽夕陽平郭北平郁秩莒東平魯彭城廣陵皆
有食貨志云郡不出鐵者置小鐵官鄧展曰鑄故鐵
也

鹽官 地理志安邑太原晉陽巫堂陽章武千乘都昌
壽光曲成東牟轘昌陽當利海曲計斤長廣海鹽臨

邛南安連然胸恐隴西郡三水弋居獨樂龜茲富昌
沃壁成宜模煩泉州海陽平郭番出高要皆有

鹽澤長丞 地理志雁門沃陽有此官

工官 地理志懷河南陽翟宛東平陵泰山郡奉高廣
漢郡雜成都皆有

齊三服官 貢禹傳故時齊三服官輸物不過十笥方
今作工各數千人一歲費數鉅萬後漢書章帝紀建
初二年詔齊相省冰紈方空殺吹綸絮

服官 地理志襄邑臨菑皆有

羞官 交趾郡羸陵有

銅官 丹陽郡有

圖差官 南海郡有

樓船官 廬江郡有

陂官 九江郡有

湖官 九江郡有

雲夢官 江夏郡西陵南郡編皆有

橘官 胸忍魚復皆有

金官 桂陽郡有

木官 嚴道有

漢功臣初起官名攷

功臣初起官名乃一時權置或襲七國舊名或一代
典章所繫故表中不及詳載今畧紀於此其名義職

掌及居官者之姓氏有可攷者亦附見焉

中涓 師古曰中涓親近之臣若謁者舍人之類涓潔也主居中掃潔也大昭案國語有涓人嚙史記楚世家作涓人韋昭曰今之中涓是

曹參

靳歙

王吸

召歐

周勃

淮嬰

孫赤

陳倉

毛釋之

石奮

舍人

傅寬

陳遼

薛歐

呂臣

單究

工師喜

奚涓

陳渾

魏遼

徐厲

樊噲

劉到

董深

唐厲

陳賀

審食其

嚴不職

戴野

華寄

周止

周濤

朱軫

令史

夏侯嬰

客 後代東宮官有太子賓客亦其類

蕭何

呂澤

丙猜

張蒼

林摯

高色

任敖

陸賈

周苛

冷耳

劉襄

酈疥

執盾

閻澤赤

紉賀

孔紫

襄

逸其姓

張說

特將

陳稀

重將 師古曰主將領輜重

宣虎

計相 如淳曰官名但知會計

張蒼

亞將

唐厲 陳平

駢隣 師古曰二馬曰駢駢鄰爲竝兩騎爲軍翼

許益

司馬

呂馬童 張說

左司馬

陳賀

百無傷

唐屬

得

遷其姓

孔聚

右司馬

陳胥

陶舍

騎司馬

王虞人

車司馬

王競

將軍

鄭商

董深

孔聚

郭蒙

陳武

嚴不職

蟲達

奚涓

河南將軍

宣虎

游擊將軍

此初起之名其後武帝時蘇建韓說皆居

此職所謂列將軍也

陳豨

郎騎將軍

單突

車騎將軍

此初起名耳其後爲列將軍公卿表尙不

載武昭以後車騎將軍有加大司馬者其權任在丞

相右矣

蔡寅

張越

灌嬰

靳歙

執帛

曹參

夏侯嬰

灌嬰

執珪

蟲達

功臣表作執金吾其時無此官今從史記

曹參

夏侯嬰

灌嬰

趙衛將軍

加趙者或是趙國之故官他皆放此

程黑

魏太僕

蔡貢

長沙柱國

吳郢

代大興

師古曰大興主爵祿之官

馮解散

殷相

閻澤赤

趙石林將

師古曰林將將士林猶言羽林之將

許慙

齊將

旅卿

旅罷師

趙將

雍齒

趙將夕

越將

丁復

華毋害 革朱

越戶將

傅胡害

越隊將

搖毋餘

上隊將

高色

弩將

室中同 秦同

郎將

杜得臣

慎將 師古曰以謹慎爲將也

爰頰

二隊將

蟲達

陳涓

劉到

但云二隊疑亦二隊將

三隊將

戎賜

刺客將

陳渙

廐將

張良

城將

師古曰城將將築城之兵也

郭蒙

樓煩將

項籍傳漢有善騎射曰樓煩

丁復

郎騎

毛釋之

中郎騎

王翳

郎中騎

其石 楊喜

騎郎將

王吸 周止

郎騎將

丁義

呂馬童

右騎將

傅寬

騎將

傅寬

召歐

丁義

陳倉

丁禮

嚴不職

灌嬰

騎士

呂勝

中涓騎

丁禮

郎中騎將

楊武

騎都尉

靳歙

張說

楊武

季必

長鉦都尉

師古曰長鉦長刃兵也爲刀而劍形更記

作長鉞鉞亦刀耳

周竈

門尉

酈跽

十尉

陶舍

中廐令

秘彭祖

虎賁令

周勃

郎中柱下令 師古曰柱下令主柱下書史

王恬啟

戶衛

郭蒙

戶將

蟲達

塞路 師古曰主遮塞要路以備敵寇

郭亭

漢書辨疑卷九

三
樞李沈氏銅
熨斗齋叢書

說衛 師古曰說讀曰稅謂罪行初舍止之時主爲衛也

許益

執矛

朱進

隊卒 疑是隊率

周聚 衛毋擇

隊率 師古曰一隊之率也音所類反

滅野 周聚 申屠嘉 朱軫

作隊
師同

連敖 如淳曰楚有連尹莫敖其後合爲一官

韓信 召歐 周寵 呂嬰 戎賜

華寄

繒賀

郭亭

職志

如淳曰主旗幟

周昌

右丞相

尹恢

在高祖未稱元年之前

河上守

卽左馮翊是時爲河上郡故有守

閭澤亦

中地守

卽右扶風是時爲中地郡故有守

宣義

票客

小顏謂以信票疾而客禮之是臆說

韓信

漢書辨疑卷九終